

# Ժողովուրդ

84  
(2750)

13 հունիսի երեքշաբթի 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

## Վ. ԽԱՉԱՏՈՒՐՅԱՆԸ ԿԱՌԱՎԱՐԱԿԱՆ «ԴԱՉԱՅՈՒՄ» ԶԻ ԱՊՐՈՒՄ



ՀՀ նախագահ Վահագն Խաչատրյանը թեեւ իշխող ԶԴ-ի ծայրերով ՀՀ նախագահ ընտրվեց ԱԺ-ում, այնուամենայնիվ, շարունակում է Նիկոլ Փաշինյանի թիմակիցների կողմից մնալ ամենամերժված կերպարներից մեկը: Նա անգամ կառավարական ամառանցներում առանձնատուն չունի: «Ժողովուրդ» օրաթերթի տեղեկություններով՝ Վահագն Խաչատրյանին առանձին կացարան է առաջարկվել «Կունդի առանձնատների տնտեսություն» ՊՈԱԿ-ի կողմից, սակայն կացարանն այնքան անբարկոք, ապրելու համար ոչ պիտանի վիճակում է եղել, որ նախագահը հրաժարվել է դրանից, չի ցանկացել ապրել կառավարական՝ իրեն հատկացված բնակարանում: Թեեւ իշխանության վերին օղակները՝ Նիկոլ Փաշինյանի գլխավորությամբ, խոստացել են, որ բնակարանը կարճ ժամանակում կվերանորոգվի եւ կհամաձայնեցնեն նախագահին, սակայն այն մինչ օրս պատրաստ չէ, դեռ նորոգումները շարունակվում են, իսկ Վահագն Խաչատրյանը ապրում է իր հին բնակարանում: Հիշեցնենք, որ ՀՀ նախագահ Վահագն Խաչատրյանը ՀԱԿ անդամ էր, ով 2022թ.-ին դադարեցրել էր իր անդամակցությանը ՀԱԿ-ին՝ ԶԴ-ի կողմից առաջարկվելով ՀՀ նախագահի թեկնածու: Նա դադարել է լինել առաջին նախագահ Լեւոն Տեր-Պետրոսյանի գաղափարակիցը, քանի որ առաջին նախագահը հրապարակավ Նիկոլ Փաշինյանին «ազգակործան պատուհաս» որակեց, իսկ Խաչատրյանը, փաստորեն, «ազգակործան պատուհասի» հետ կիսում է պատասխանատվություն՝ մերօրյա ազգակործան քաղաքականության մասով:


ՀԳՌ գերագույն ժողովը, որը մեկնարկել էր հունիսի 9-ից, երեկ ավարտվեց. ընտրվել է ՀԳՌ գերագույն մարմնի նոր կազմ, ԳԱ ներկայացուցիչ է վերընտրվել Իշխան Սաղաթյանը: «Ժողովուրդ» օրաթերթը գրել էր, որ ժողովի ընթացքում քննարկվել են կուսակցության գործունեության, ռազմավարության հետ կապված մի շարք հարցեր, ինչպես նաեւ քննարկվել են Հայաստանի եւ Արցախի Հանրապետությունների առջեւ ծառայած մարտահրավերները: «Ժողովուրդ» օրաթերթին նոր մանրամասներ են հայտնի դարձել ՀԳՌ գերագույն ժողովից: Այսպիսով, տեղեկացանք, որ ՀԳՌ ժողովը շատ թեժ է անցել, տարածաշրջաններ են եղել՝ հատկապես Իշխան Սաղաթյանի՝ ԳԱ ներկայացուցիչ ընտրվելու հետ կապված, դաշնակցականների մի մասը դեմ է եղել նրա թեկնածությանը, դժվարությամբ են կարողացել համաձայնության գալ Սաղաթյանի թեկնածության շուրջ: «Ժողովուրդ» օրաթերթի հետ զրույցում ՀԳՌ-ական, ԱԺ պատգամավոր Քրիստինե Վարդանյանն այս առիթով ասաց. «Նախ հաստատում եմ, որ ժողովը թեժ է անցել, մեր բոլոր ժողովներն են այդպես անցնում: Հատկապես երկրում ստեղծված այս իրավիճակում չէր կարող այլ կերպ լինել, քանի որ եղել են քննարկումներ՝ ստեղծված իրավիճակի, դրանից դուրս գալու ելքերի մասին: Մեր ժողովների ժամանակ մշտապես հիշում են տարբեր կարծիքներ, որտեղ սահմանափակում չունեն այդ կարծիքը հնչեցնողները, բոլոր դաշնակցականները ազատորեն արտահայտում են իրենց կարծիքը: Ինչ վերաբերում է ՀԳՌ ԳԱ նոր կազմի ընտրությանը, մենք մշտապես ընտրում ենք կազմ, իսկ եթե ԳԱ անդամներից որեւէ մեկին ժողովի մեծամասնությունը դեմ լինի, որտեղ տարբերակ չկա, որ այդ մարդն ընտրվի. մեզ մոտ իսկապես կա ներքին լայն ժողովրդավարություն, անհնար է որեւէ մեկի ընտրությունը ՀԳՌ ԳԱ կազմում, եթե դրան դեմ են կուսակցության մեծամասնությունը: Եթե ընտրվել է այս կազմը, ուրեմն մեծամասնությունը քվեարկել է այդպես. անհնար է լինի մեծ դիմադրություն մեկի մասով, եւ նա ընտրվի ՀԳՌ ԳԱ կազմում»: Այդ թվում Իշխան Սաղաթյանի՝ ՀԳՌ ԳԱ ներկայացուցիչ ընտրվելու՝ մասով, հետաքրքրվեցինք Վարդանյանից: «Դա բոլորին վերաբերում է, այդ թվում առաջին հերթին ՀԳՌ ԳԱ ներկայացուցիչ ընտրությանը»,-պարզաբանեց նա:



ՀՀ տարածքային կառավարման եւ ենթակառուցվածքների նախարար Գևեղ Սանոսյանը 2022 թվականին նվիրավորություններ անելով էլ զբաղված է եղել: Նախարարը Կոռուպցիայի կանխարգելման հանձնաժողով է ներկայացրել գույքի, եկամուտների, ծախսերի ու շահերի վերաբերյալ 2022 թվականի հայտարարագիրը: Հայտարարագրից «Ժողովուրդ» օրաթերթը տեղեկացավ, որ նախարարը 2022 թվականի փետրվարի 15-ին Գեղարքունիքի մարզի Մարտունի քաղաքում գտնվող իր երեք հողամասերն ու անհատական բնակելի տունը նվիրել է երբորդ Վահան Սանոսյանին: Ընդ որում՝ նույն այդ հայտարարագրի համաձայն՝ նա այդ հողամասերից մեկը ձեռք էր բերել 2003 թվականին, մեկ այլ հողամաս՝ 2020 թվականին, եւ տունն ու մյուս հողամասն էլ՝ 2021 թվականին, այն էլ՝ նույն օրը՝ հունիսի 28-ին: Հայտարարագրի համաձայն՝ Գևեղ Սանոսյանն ապրում է Նոր Նորքում գտնվող բնակարանում, որի ձեռք բերման տարեթիվը հայտարարագրում պաշտպանված է, այսինքն՝ չի երևում: Վերջինս ունի նաեւ 2012 թվականի արտադրության MERCEDES-BENZ մակնիշի ավտոմեքենա: Մնորդառանակեց նրա եկամուտներին. նախարարը 2022 թվականին ընդհանուր ստացել է 23 մլն 342 հազար դրամ եկամուտ, որից 20 մլնը նախարարի տարեկան աշխատավարձն է, 11 հազար դրամ ստացել է «Մարտիգ» համալսարանից եւ 2 մլն դրամ էլ՝ ՊԵԿ-ից: Գևեղ Սանոսյանը նաեւ վարկ ունի, որի մայր գումարը դեկտեմբերի 31-ի դրությամբ կազմել է 42 մլն դրամ, որը մարելու համար այդ տարի 6 մլն դրամ է ծախսել: Ըստ հայտարարագրի՝ Գևեղ Սանոսյանը 2022 թվականին հանգստի է մեկնել եւ դրա համար ծախսել 2 մլն դրամից ավելի գումար, որը ներառում է տունն ու կեցության ծախսը. բացի այդ, 2 մլն դրամից ավելի գումար էլ նախարարի կողմից վճարվել է որպես ուսման վարձ: Եվ վերջապես՝ բանկում նախարարն ունեցել է 2 մլն 916 հազար դրամ, իսկ կանխիկ գումար՝ 150 հազար ռուբլի եւ 7 մլն 200 հազար դրամ:



Հայրենի իրավապահ համակարգը կասկածելի հանգամանքներում կոծկեց «Հայ եւ որդի երեւմաններ» ՄՊԸ-ին պատկանող «Շերեփ» ռեստորանում տեղի ունեցած միջադեպը: Բանն այն է, որ Shamshtyan.com-ը մայիսի 11-ին հրապարակել էր, որ մայիսի 9-ին Երեւանի կենտրոնում հերթական անգամ կանխվել է մի խումբ անձանց միջեւ խուլիգանության դրոշմներով հետապնդում օտարերկրացի միջադեպը: Ըստ կայքի՝ 16:15-ի սահմաններում պարտկվեց, խուլիգանություն կատարելու հիմնավոր կասկածի հիման վրա, ձերբակալել եւ Ոստիկանության կենտրոնական բաժնի են տեղափոխել մի խումբ անձանց: Պարզվել է, որ Ամիրյան 1 հասցեում գործող «Շերեփ» ռեստորանային համալիրում վճարման հաշվի շուրջ վիճաբանություն էր տեղի ունեցել ռեստորանի աշխատակիցների եւ հաճախորդների միջեւ, որի ժամանակ կոպիտ կերպով խախտվել էր հասարակական կարգը, եւ փոխադարձ հարվածներ են հասցրել միմյանց ու հնչեցրել հայիտանքներ: Ոստիկանության կենտրոնական բաժնի են տեղափոխվել Նշված ռեստորանի տնօրեն, Երեւանի բնակիչ 35-ամյա Ստեփան Գալստյանը, Երեւանի բնակիչ 38-ամյա Յուրայի Կարլսյանը, Վանաձոր քաղաքի բնակիչ 36-ամյա Սմբատ Ալիխանյանը, Արարատի մարզի բնակիչ 28-ամյա Ռոբերտ Փանոսյանը, որն աշխատում է Նշված ռեստորանում որպես մենեջեր, Կոտայքի մարզի բնակիչ 28-ամյա Արգիշտի Սիմոնյանը, որն աշխատում է Նշված ռեստորանում որպես մենեջեր, Գեղարքունիքի մարզի բնակիչ 35-ամյա Նարեկ Աբրոյանը, որը Նշված ռեստորանի հյուրընկալն է եղել, Երեւանի բնակիչ 25-ամյա Սուրբատ Բոյաջյանը, որն աշխատում է Նշված ռեստորանում որպես պահեստապետ, ու Ոստիկանություն էր հրավիրվել նաեւ Երեւանի բնակիչ 35-ամյա Օֆելյա Ալիխանյանը: Նույն դեպքի մասին ՀՀ քննչական կոմիտեի մամուլի խոսման Գոր Աբրահամյանն էլ մեզ հայտնեց, որ ոստիկանությունից ստացված նյութերի ուսումնասիրության արդյունքում քրեական վարույթ նախաձեռնելու հիմքեր չեն եղել: Այսինքն՝ միջադեպը եղել է մայիսի 9-ին, դեպքի մասին լրատվամիջոցներին հայտնի է դարձել երկու օր անց, սակայն երկու օրվա ընթացքում իրավապահները պարզել են, թե հանցագործության դեպք չի գրանցվել: Ինչպես հաճախորդների կողմից, այնպես էլ ռեստորանի աշխատակիցների կողմից հանցագործության մասին հարցորդում չի ստացվել: Եւ այստեղ հարց է առաջանում՝ ինչո՞ւ: Նման օպերատիվությանը քննիչները չեն քննում նմանօրինակ դեպքերը, ինչպես Երեւանի քրեական ոստիկանության միջադեպն էր: Ավելին՝ մյուս դեպքերի նման օրերով մարդկանց քննչականները տանել-բերելու փոխարեն՝ մեկ էլ հանկարծ երկու օրվա մեջ քննչականի համար կասկածելի արագ արագության պայմաններում քննիչները հասկանում են, որ հանցագործություն չի եղել: Թե ինչի դիմաց են քննչական գործունեություն ծավալողները փրկել Երեւանիներին այս միջադեպից, դժվար է ասել, սակայն ակնհայտ է, որ գործարար Դավիթ Երեւանյանը եթե իշխող ԶԴ-ի համար անցանկալի մարդ լիներ, հիմա դատարանի առաջ կանգնած կլիներ նրա աշխատակիցները, բայց նրանք ներվեցին: Մենք դեռ կիտենենք այս պատմությանը:



ԱՐՁԱԳԱՆՔ

ԱՐՈՎՅԱՆԸ՝ ՄԱՀՄԱՆՆԵՐԻ ՄԱՍԻՆ

Աժ Գալստյանի դասգամավոր Արման Արովյանը «Ժողովուրդ» օրաթերթի հետ զրույցում անդրադարձել է Հայաստան-Ադրբեջան բանակցային գործընթացին, ինչպես նաև խաղաղության դաշնակցության կնքման հավանականությանը:

«Պարոն Արովյան, վերջին շրջանում տեսնում ենք, որ Հայաստանն ու Ադրբեջանը պարբերաբար բանակցություններ են վարում Մոսկվայում, Վաշինգտոնում: Կողմերը թե՛ն հաստատարում են, որ մոտ են խաղաղության պայմանագրի կնքմանը, բայց այդ պայմանագիրը այդպես էլ գլուխ չի գալիս: Դուք ի՞նչ եք կարծում, կողմերը իսկապե՛ս մոտ են խաղաղության պայմանագրի կնքմանը, եւ ի՞նչ տարածախնայություններ կան, ինչի՞ շուրջ չեն կարողանում ընդհանուր հայտարարի գալ:

«Նախ՝ իմ խորին համոզմամբ՝ դա ոչ թե Հայաստան-Ադրբեջան բանակցություններն են, այլ գերտերությունները փորձում են ձեւակերպել իրենց հետաքրքրությունները փոփոխված աշխարհաքաղաքական իրավիճակում: Ի՞նչ է սա Նշանակում. ըստ էության, այսօր Հայաստանը զբաղված է փաթեթավորմամբ այն կործանարար գիշումների, որոնք ինքը իրականացնում է, եւ որոնք ինքը պատրաստ է գնալ՝ որակելով որպես խաղաղությանը միտված գործընթաց կամ տարածաշրջանային խաղաղություն: Դա քաղաքագիտական նոնսենս է, այդպիսի բան գոյություն չունի: Գոյություն ունի ընդամենը խոշոր խաղաղողների շահերի սպասարկում: Տվյալ դեպքում, ըստ էության, Ադրբեջանն էլ է նույնը անում, բայց Ադրբեջանի շահերը այս պարագայում թուրք-ադրբեջանական ընդհանուր շահի տակ պետք է դիտարկվեն, այսինքն՝ օրինակ՝ Հայաստանի Հանրապետության տարածքների բռնագավառման գործընթաց, որը շատ նրբորեն այս իշխանությունն անվանում է դեմարկացիա կամ դեֆիմիտացիա, կամ Հայաստանը դարձնել առաջին փուլում թուրքական աշխարհի պորտալար՝ հետագա մասնատման գործընթացը հեշտացնելու համար: Սա ադրբեջանցիներն անվանում



են այսպես կոչված «Ջանգեզուրի միջանցք», հայկական կողմն էլ՝ ճանապարհ: Ինչ վերաբերում է՝ կողմերը մոտիկ են, թե մոտիկ չեն, պետք է, նախ, հասկանանք՝ այդ կողմերը ինչ նկատի ունեն՝ խաղաղության պայմանագիր ասելով: Հայաստանը հասկանում է հետեյալը. համաձայն պաշտոնական լրահոսի՝ ընդունելով Ադրբեջանի տարածքային ամբողջականությունը, այսինքն՝ զիջելով Արցախը ոչնչացման եւ լեգիտիմացնելով Հայաստանի Հանրապետության տարածքների բռնագավառումը, Հայաստանը դրա դիմաց ակնկալում է խաղաղություն, այսինքն՝ չեն կրակելու: Սա նվազագույնը քաղա-

քագիտական տգիտություն է, որովհետեւ Ադրբեջանի ու Թուրքիայի տեսլականը, ցավով պետք է արձանագրեմ, նաեւ խոշոր խաղաղողների՝ Եվրոպայի եւ ԱՄՆ-ի տեսլականը այլ է: Իրենք ի՞նչ են տեսնում. իրենք տեսնում են հայկական հարցի խառն փակում, այսինքն՝ Արցախի ոչնչացում եւ Հայաստանի մասնատում, ինչը իրենք չեն էլ թաքցնում: Ինչ-որ մտորումների մեջ ընկնել պետք չէ: Իրենք ուղիղ սա հայտարարում են. եթե կան մարդիկ, ովքեր դեռեւս ապրում են թրքահաճո, ադրբեջանամետ պատրանքների մեջ, ուղղակի խորհուրդ կտամ ծանոթանալ Շուշիի հռչակագրի տեքստի հետ:

ԼՈՒՐԵՐ

ԱՐՑԱԽԸ ՀԱՆՁՆԵԼՈՒ ՓՈՐՁԵՐԸ ԿԵՐԵԱԿԱՆԱՑՎԵՆ

«Հայաքվեն» առաջարկում է քրեականացնել Հայաստանի անուկից Արցախն այլ պետության մաս ճանաչող ցանկացած գործողություն կամ հայտարարություն: «Հայաքվեի» նախաձեռնող խումբն երեկ Կենտրոնական ընտրական հանձնաժողովը ներկայացրեց դիմում՝ նախաձեռնելով օրենսդրական նախագծի ներկայացում Ազգային ժողովին:

«Ժողովուրդ» օրաթերթի հետ զրույցում նախաձեռնության անդամ Ավետիք Չալաբյանը մանրամասներ է ներկայացրել նախաձեռնության գործունեության վերաբերյալ. ««Հայաքվե» քաղաքացիական նախաձեռնության նպատակը՝ պաշտոնապես քրեականացնել Հայաստանի հանրապետության անուկից Արցախը այլ պետություններին հանձնելու փորձը: Մեր Սահմանադրությունը, մեր Անկախության հռչակագիրը եւ 1992 թվականին Գերագույն խորհրդի կողմից ընդունված համապատասխան որոշումը արգելում է Արցախը Հայաստանի Հանրապետության



անուկից ճանաչել այլ պետության կազմում: Ցավոք, մենք վերջին շրջանում տեսնում ենք, որ գործող իշխանությունը փորձում է շրջանցել եւ՝ Սահմանադրության պահանջները, եւ՝ օրենքներն ու այդպիսի հայտարարություն անել: Մենք հիմա ուզում ենք մի քայլ էլ առաջ գնալ եւ պաշտոնապես քրեականացնել ՀՀ անուկից այդպիսի գործողություններ անել, որպեսզի ցանկացած իշխանություն թե՛ հիմա, թե՛ ապագայում չհամարձակվի նման

հայտարարություններ անել: Արցախը հայկական է, պետք է մա հայկական եւ, ի վերջո, վերամիավորվի Հայաստանի Հանրապետությանը:

ԲՆԿ-Ն՝ ԱՎԱԳԱՆՈՒ ԸՆՏՐՈՒԹՅՈՒՆՆԵՐԻՆ

Աշխարհը երեւանում սպասվում են ավագանու ընտրություններ: «Ժողովուրդ» օրաթերթը ԲՀԿ կուսակցության անդամ Արման Արովյանից հետաքրքրվել է՝ արդյոք կուսակցությունը որոշում ունի ընտրություններին մասնակցելու մասով:

«Մենք բազմաթիվ անգամ հայտարարել ենք, որ երբ ժամանակը կգա, հայտարարությունը կտարածենք: Առայժմ այսքանը: Ոչ ավել, ոչ պակաս: Մեզ համար յուրաքանչյուր գործընթաց կարելի է, բայց հիմա սեւեռված ենք ավելի գոյաբանական կոնվերտի վրա, որոնք առկա են հանրապետությունում: Ինչ վերաբերում է ընտրություններին, ժամանակը կգա, հայտարարություն կանենք:

Նյութերը՝ ԲՈՒՍԻՆԱ ՍՈՒՇԵՂՅԱՆԻ



ԹԱՆԿԱՐԺԵՔ ՀԱՃՈՒՅՔՆԵՐ

Հայաստանի ֆուտբոլի ֆեդերացիայի ԲԿՄՍ՝ Բանակային կենտրոնական մարզական ակումբի տնօրեն Գագիկ Աղբալյանը երկու օր առաջ իր ֆեյսբուքյան էջում մի հետաքրքիր հրապարակում էր արել՝ խնդրելով օգտատերերին օգնել իրեն՝ գտնելու արագ կառուցվող տնակ: Նա նաեւ լուսանկար էր տեղադրել:

Լուսանկարում հիմնականում ժամանակակից երեկոներ կազմակերպելու համար նախատեսված տնակ է, որտեղից էլ առաջացավ մեր հետաքրքրությունը:

«Ժողովուրդ» օրաթերթը մի քանի կառուցապատողների հետ զրույցից պարզեց, որ այդ տնակները՝ ամբողջությամբ կահավորված, 6-ից մինչեւ 10 միլիոն դրամ արժեն. 1 քմ-ն սկսվում է 300 հազարից մինչեւ 600 հազար դրամ եւ ավելի:



Հիշեցնենք, որ ԲԿՄՍ տնօրենը մինչեւ 2018-ի հեղափոխությունը Նիկոլ Փաշինյանի «Հայկական ժամանակ» թերթում ֆոտոլրագրող էր, միջին վիճակագրական քաղաքացի: Հիմա՝ հեղափոխությունից 5 տարի անց, նա թանկարժեք տնակներով է հետաքրքրվում, միջին վիճակագրական քաղաքացու հետաքրքրություններից վեր հանույնների ձգտում: Ո՞ւմ հետ է պատրաստվում ժամանակակից երեկո անցկացնել Աղբալյանը. արդյոք ՀՀՖ նախագահ Արմեն Մելիքեթյանի համար է փնտրում թանկարժեք «վրանը», որ Տավրիշի անտառներում դնեն...

ArmLur.am-ը փորձեց այս թեմայի շուրջ զրուցել նախկին գործընկերոջ հետ, սակայն Գագիկ Աղբալյանը խիստ դժկամորեն ասաց, թե ցանկություն չունի մեկնաբանելու ոչինչ: Երբ շատ համառոտեցի, ասաց, թե եղբոր համար է փնտրում, ու հրաժարվեց մանրամասներ հայտնել: Նկատենք, որ ՀՀՖ պաշտոնյան հանրային հարթակում գնիջեցման, թանկի եւ էժանի խոսակցություն է վարել:

Դժվար է հավատալ, որ տնակը գնելու ցանկություն ունեցող Աղբալյանի եղբայրն իր հարազատին գործից կկտրեր եւ տնակ գտնելու գործ կհանձնարարեր: Չհավատացի՞նք:

Բայց փաստ է, որ հեղափոխական թիմը թանկարժեք հաճույքների շրջանակն ընդլայնել է: Ծով չունենք, որ շքեղ գրասենյակներ պատվիրեն, տնակներ են պատվիրում նորահարուստ իշխանիկները, որ անտառներում հաճույքներ վայելեն:

Իսկ ի՞նչ է փոխվել ՀՀ շաղթային քաղաքացու կյանքում կհարցնեք դուք. ոչինչ, ուղղակի խաչատրյան ԳԱԳԻԿԻ փոխարեն Աղբալյան Գագիկներն են հարստացել:

ԻՐԱՎԻՃԱԿ

ՀԱՄԱԳՈՐԾԱԿՑՈՒԹՅՈՒՆ

ՓՈԽԸՄԲՌՆՄԱՆ ՀՈՒՇԱԳԻՐ

ՎԱՐՉԱՊԵՏԸ ԸՆՆԻՉ ՀԱՆՁՆԱԺՈՂՈՎՈՒՄ



Վարչապետ Նիկոլ Փաշինյանը կներկայանա 44-օրյա պատերազմի հանգամանքներն ուսումնասիրող քննիչ հանձնաժողով:

«2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով քննիչ հանձնաժողովը հունիսի 20-ին՝ ժ. 10:00-ին, հրավիրել է Հայաստանի Չանրապետության վարչապետ Նիկոլ Փաշինյանին՝ մասնակցելու քննիչ հանձնաժողովի աշխատանքներին:

Քննիչ հանձնաժողովը ՀՀ վարչապետ Նիկոլ Փաշինյանից ստացել է դրական պատասխան», - հայտնում են ՀՀ ԱԺ պաշտպանության և անվտանգության հարցերի մշտական հանձնաժողովից:

ՀՅՎ ՆՈՐ ԿԱԶՄԸ

ՀՅՎ Հայաստանի գերագույն մարմնի հանրային կապերի գրասենյակից «Ժողովուրդ» օրաթերթին հայտնում են. «2023 թ. հունիսի 9-11-ը կայացել է ՀՅՎ Հայաստանի 26-րդ գերագույն ժողովը:

Ժողովը քննել է ՀՅՎ Հայաստանի գերագույն մարմնի երկամյա գործունեությունը, Հայաստանի և Արցախի Չանրապետություններում ստեղծված իրավիճակը, նախանշել առաջիկա անելիքները և սահմանել ՀՅՎ Հայաստանի կառույցի գործունեության ուղեւիշները:

Ժողովի ավարտին ընտրվել է գերագույն մարմնի հետևյալ կազմով.

- Ավետիսյան Թադևոս
- Գալստյան Լիլիթ
- Գետրոյան Արգիշտի
- Հակոբյան Վարդան
- Մաթիսյան Հակոբ
- Մանուկյան Գեղամ
- Մեղրյան Պետրոս
- Սաղաթեյան Իշխան
- Սարգսյան Իգոր
- Սիմոնյան Աշոտ
- Ստեփանյան Խաչատուր
- Վարդանյան Գերասիմ
- Տոնոյան Տարնո:

ՀՅՎ Հայաստանի գերագույն մարմնի ներկայացուցիչ է ընտրվել Իշխան Սաղաթեյանը»:

Հայաստանի Հանրապետության բարձր տեխնոլոգիական արդյունաբերության նախարարի առաջին տեղակալ Գետրո Մանթաբյանը հունիսի 12-13-ն աշխատանքային այցով զեպվում է Հնդկաստանի Պունե քաղաքում մասնակցելու G20 Digital Economy Working Group-ի հանդիպման Երջանակներում անցկացվելիք «Գլոբալ թվային հանրային ենթակառուցվածք գազաթնաժողովին» (Global Digital Infrastructure (DPI) Summit)-ին:

ՀՀ ԲՏԱ նախարարության տարածած հաղորդագրության համաձայն՝ գազաթնաժողովի շրջանակներում Հայաստանի բարձր տեխնոլոգիական արդյունաբերության նախարարության և Հնդկաստանի էլեկտրոնիկայի և տեղեկատվական տեխնոլոգիայի նախարարության միջև ստորագրվել է «Թվային փոխակերպումների համար բնակչության մասշտաբով իրականացված հաջող թվային լուծումների փոխադարձ տրամադրման ոլորտում համագործակցության մասին» փոխըմբռնման հուշագիր:

Հուշագիրը ստորագրել են ՀՀ բարձր տեխնոլոգիական արդյունաբերության նախարարի առաջին տեղակալ Գետրո Մանթաբյանը և Հնդկաստանի Չանրապետության էլեկտրոնիկայի և տեղեկատվական տեխնոլոգիայի նախարարության գլխավոր քարտուղար Ալկեշ Կուար Շարման:

Ստորագրված փաստաթղթով կողմերն արտահայտում են իրենց պատրաստակամությունը՝ ընդլայնելու համագործակցությունը երկու երկրների միջև ինստիտուցիոնալ համագործակցության խթանման, տեխնիկատնտեսական հիմնավորման, արդիականացման գնահատման և թվային փոխակերպման լուծումների իրականացման ոլորտներում:

Գազաթնաժողովին նախարարի առաջին տեղակալ Գետրո Մանթաբյանը հանդես է եկել ելույթի խոսքով, որում, մասնավորապես, նշել է.

«Այժմ մենք քննարկում ենք կարևոր թվային հանրային ենթակառուցվածքները և դրանց կարելիությունը այն մարդկանց համար, որոնք կիրառում են դրանք: Մենք բոլորս պատմական ժամանակաշրջանում ենք ապրում, որտեղ մասնակից ենք տեխնոլոգիաների ստեղծմանը, որոշ ժամանակ անց, միգրացիա, այս տեխնոլոգիաները ինքնուրույն ստեղծեն իրենց տեխնոլոգիաները և սեփական լեզուն: Այստեղ են երկրներ, որոնք ունեն արհեստական բանականության ազդեցության դրական և բացասական փորձառություն: Եվ սա լավ առիթ է երկրների միջև ստեղծելու կոալիցիա՝ տեխնոլոգիաները կարգավորելու համար, և հարկ է միտքով համարում նշել, որ, այո, մենք ցանկանում ենք կարգավորել տեխնոլոգիաների կիրառությունը, բայց միեւնոյն ժամանակ չսահմանափակել դրանց զարգացումը և աճը: Ես տպավորված եմ, թե ինչպես են Հնդկաստանում, կիրառելով տեխնոլոգիաները, պայքարում աղքատության դեմ և ապահովում որակյալ ենթակառուցվածքների հասանելիությունը: Սա լավ օրինակ է, թե ինչպես պետք է աշխատենք, և ինչի վրա կենտրոնանանք: Լիառույս եմ, որ միավորելով մեր ուժերը՝ կկարողանանք ստեղծել տեխնոլոգիաներ, որոնք կարող են նպաստել մարդկության կենսակերպի բարելավմանը»:

Գազաթնաժողովի շրջանակներում Գետրո Մանթաբյանը հանդիպումներ կունենա Հնդկաստանի պետական և



մասնավոր հատվածի ներկայացուցիչների հետ, քննարկումներ կլինեն միջոցառմանը ներկա տարբեր պետությունների մասնակիցների միջև: «G20»-ում Հնդկաստանի նախագահության տարում գազաթնաժողովը մի հարկի տակ է հավաքվել G20-ի անդամներին, իրավիճակը երկրների, միջազգային կազմակերպությունների հայտնի փորձագետների, քաղաքականություն մշակողների և պրակտիկ մասնագետների, որոնք աշխատում են թվային կառավարման ոլորտում կիսելու իրենց փորձը, ինչպես նաև ընդունելու թվային հանրային ենթակառուցվածքը՝ համաշխարհային թվային տնտեսությունը բարելավելու համար: Այն համահունչ է G20-ի «Մեկ երկիր, մեկ ընտանիք և մեկ ապագա» թեմային: Գազաթնաժողովի շրջանակում տեղի կունենա նաև համաշխարհային թվային հանրային ենթակառուցվածքների ցուցահանդեսը, որտեղ G20-ի անդամները և իրավիճակը երկրները կցուցադրեն իրենց բնակչության մասշտաբի թվային հանրային ենթակառուցվածքների մասին տեղեկություն:

մասնավոր հատվածի ներկայացուցիչների հետ, քննարկումներ կլինեն միջոցառմանը ներկա տարբեր պետությունների մասնակիցների միջև:

«G20»-ում Հնդկաստանի նախագահության տարում գազաթնաժողովը մի հարկի տակ է հավաքվել G20-ի անդամներին, իրավիճակը երկրների, միջազգային կազմակերպությունների հայտնի փորձագետների, քաղաքականություն մշակողների և պրակտիկ մասնագետների, որոնք աշխատում են թվային կառավարման ոլորտում կիսելու իրենց փորձը, ինչպես նաև ընդունելու թվային հանրային ենթակառուցվածքը՝ համաշխարհային թվային տնտեսությունը բարելավելու համար: Այն համահունչ է G20-ի «Մեկ երկիր, մեկ ընտանիք և մեկ ապագա» թեմային: Գազաթնաժողովի շրջանակում տեղի կունենա նաև համաշխարհային թվային հանրային ենթակառուցվածքների ցուցահանդեսը, որտեղ G20-ի անդամները և իրավիճակը երկրները կցուցադրեն իրենց բնակչության մասշտաբի թվային հանրային ենթակառուցվածքների մասին տեղեկություն:

ՕՐՎԱ ԽՃԱՆԿԱՐ

ԵՎՐԱՄՈՐՀՐԳԱՐԱՆԸ ՄԵՐ ՄԱՍԻՆ

Եվրոպական խորհրդարանը լիազուրկ մարմնի նախատեսում է քննարկել Հայաստանի և Ադրբեջանի հարաբերությունները և իրավիճակը Լեռնային Ղարաբաղում ու Լաչինի միջանցքում:

Առաջիկայում կայանալիք նիստում նախատեսված են դեբատներ, այդ թվում՝ «Հայաստանի և Ադրբեջանի հարաբերությունները և իրավիճակը Լեռնային Ղարաբաղում և Լաչինի միջանցքում» թեմայով, կլինեն հարցեր՝ Եվրահանձնաժողովի փոխնախագահ, ԵՄ արտաքին գործերի և անվտանգության քաղաքականության հարցերով բարձր ներկայացուցիչ Ժոզեպ Բորելին:

Ադրբեջանն ապօրինի կերպով անցակցում է տեղադրել Լաչինի միջանցքում Հակարի կամրջի վրա: Հայաստանի և Արցախի արտաքին գործերի նախարարությունները հայտարարել են, որ Ադրբեջանի այդ քայլը 2020 թվականի նոյեմբերի 9-ի եռակողմ հայտարարության խախտում է:

ԲԵՐԵՏՆԵՐ՝ ՄԱՄՆԱԿԻՑՆԵՐԻՆ

Հայաստանի Չանրապետության պաշտպանության նախարարության խաղաղապահ բրիգադում տեղի է ունեցել ատեստավորման քննությունները հանձնաժողովի կողմից հաստիքների նշանակված «Պաշտպան հայրենյաց» ծրագրի մասնակիցներին խաղաղապահի կարգավորման հանձնելու հանդիսավոր միջոցառումը:

Համաձայն ՀՀ ՊՆ-ի տարածած հաղորդագրության՝ շնորհավորելով զինծառայողներին ատեստավորման առաջին փուլը հաջողաբար ավարտելու կապակցությամբ՝ Սուրեն Պապիկյանը վստահություն է հայտնել, որ ՊՆ խաղաղապահ բրիգադի շարքերը բերանակալ են ստանձնելու իրենց ուսերին դրված պատասխանատու առաքելությունը, քանի որ ծառայելով հայրենիքում և նրանք արտերկրում ներկայացնելու են Հայաստանը:

ՋՈՒ բարեփոխումների շրջանակում կարելիություն է ստեղծվում գործընթացը՝ պաշտպանության նախարարը շեշտել է, որ այն պետք է լինի շարունակական՝ դառնալով հայրենիքի գազաթնաժողովի կարևոր խթաններից մեկը: Սուրեն Պապիկյանը ՊՆ խաղաղապահ բրիգադում ծառայության նշանակված երիտասարդներին հանձնել է կարգավորման քննությունները, ինչպես նաև խորհրդանշական նվերով է պարգևատրել շարքային Նվեր Չավիշյանին՝ որպես «Պաշտպան հայրենյաց» ծրագրով ատեստավորված առաջին բացարձակ գերազանցիկը: Միջոցառումը եզրափակվել է խաղաղապահների հանդիսավոր երթով:

Համալրած երիտասարդները պատվով են ստանձնելու իրենց ուսերին դրված պատասխանատու առաքելությունը, քանի որ ծառայելով հայրենիքում և նրանք արտերկրում ներկայացնելու են Հայաստանը:

ՋՈՒ բարեփոխումների շրջանակում կարելիություն է ստեղծվում գործընթացը՝ պաշտպանության նախարարը շեշտել է, որ այն պետք է լինի շարունակական՝ դառնալով հայրենիքի գազաթնաժողովի կարևոր խթաններից մեկը: Սուրեն Պապիկյանը ՊՆ խաղաղապահ բրիգադում ծառայության նշանակված երիտասարդներին հանձնել է կարգավորման քննությունները, ինչպես նաև խորհրդանշական նվերով է պարգևատրել շարքային Նվեր Չավիշյանին՝ որպես «Պաշտպան հայրենյաց» ծրագրով ատեստավորված առաջին բացարձակ գերազանցիկը: Միջոցառումը եզրափակվել է խաղաղապահների հանդիսավոր երթով:



ԻՐԱՎԱԿԱՆ

ԳՈՐԾԸ՝ ԴԱՏԱՐԱՆՈՒՄ

ԴԻՐՔԻ ԿՈՐՈՒՄՏ՝ ԱՆՓՈՒԹՈՒԹՅԱՆ ՊԱՏՃԱՌՈՎ

Մայրի եւ փոխգնդապետի անփութության հետեւանում Հին Թաղերում հակառակորդը սիրացել է մարտական դիրքի տեղակայման ֆառեզին եւ Գլխավոր դասախազությունը ներքո, որ գործն ուղարկվել է դասարան: 2023 թվականի հունիսի 2-ին ՀՀ զինվորական դասախազությունում ստացվել են Բրեւան վարույթի նյութերը՝ ըստ մեղադրանքի՝ հրամանատար, փոխգնդապետ Ջ.Մ.-ի եւ ստորաբաժանման շաբաթի ղեկ, մայր Վ.Ղ.-ի՝ 18.04.2003 թվականին ընդունված Բրեւան օրենսգրքի 376-րդ հոդվածի 3-րդ մասով (Անփութ վերաբերմունքը ծառայության նկատմամբ): 2020 թվականի նոյեմբերի 9-ի եռակողմ հայտարարությունից հետո ՀՀ ՊՆ N գործառնախ 1-ին հրամայից գումարակի 120-հոգանոց անձնակազմը՝ փոխգնդապետ Ջ.Մ.-ի հրամանատարությամբ, 2020 թվականի նոյեմբերի 26-ից անցել է Պաշտպանության բանակի հրամանատարի անմիջական ենթակայության ներքո եւ մարտական հերթաշափայի ընդգրկվել Հին Թաղեր տեղամասի արեւելյան սահմանի 12 մարտական դիրքերում՝ սահմանափակ մարտական հերթաշափայում:



պետ տեւած մարտական գործողությունների արդյունքում, մայր Վ.Ղ.-ի հրամանով եւ դեկավարությամբ, անձնակազմը հարկադրաբար նահանջել է, ինչի հետեւանում մարտական դիրքն անցել է հակառակորդի վերահսկողության տակ: Մայր Վ.Ղ.-ն, պատասխանատվություն կրելով ծառայողական գաղտնիք պարունակող փաստաթղթերի պահպանման համար, նահանջի ժամանակ միջոցներ չի ձեռնարկել գումարտակի մարտական դիրքերի տեղակայման քարտեզը դուրս բերելու ուղղությամբ, ինչի արդյունքում հակառակորդը տիրացել է այդ քարտեզին եւ տեղեկացել Հին Թաղեր տեղամասի արեւելյան հատվածի բոլոր դիրքերի տեղակայման վայրերի կոորդինատներին եւ ուղղվածքներին: Անձնակազմի հրամանատար, փոխգնդապետ Ջ.Մ.-ն ոչ պատշաճ է կատարել իր ծառայողական պարտականությունները:

Մասնավորապես՝ Ջ.Մ.-ն վերադաս հրամանատարությանը զեկուցել է միայն N մարտական դիրքի վրա հակառակորդի հարձակման ու դրա արդյունքում վիրավորների առկայության մասին: Բացի այդ, վերադաս հրամանատարությանը զեկուցել է իրավիճակի հանդարտեցման մասին, մինչդեռ արեւելյան հակառակորդի ուժերի կուտակում: Այնուհետեւ, Ջ.Մ.-ն, տեղյակ լինելով հակառակորդի կողմից կուտակումների մասին, տեղեկացված լինելով նաեւ մեկ այլ մարտական դիրքից անձնակազմի դուրս գալու հնարավորության մասին, առանց բավարար հիմքերի, նշված դիրքի անձնակազմին հրամայել է մտալ դիրքում եւ շարունակել շրջանաձեւ պաշտպանությունը՝ հավաստիացնելով, որ կարճ ժամանակահատվածում օգնության կհասնի: Արդյունքում ղեկավարների 11-ին՝ ժամը 20:30-ից մինչեւ 2020 թվականի դեկտեմբերի 12-ի ժամը 12:00-ն, N դիրքի անձնակազմը, հրամանատար Ջ.Մ.-ի կարգադրության համաձայն գործելու արդյունքում աստիճանաբար հայտնվել է հակառակորդի կողմից լրիվ շրջափակման մեջ եւ զրկվել շրջափակումից ժամանակին դուրս գալու հնարավորությունից: 2020 թվականի դեկտեմբերի 12-ին՝ ժամը 12:00-ի սահմաններում, մյուս մարտական դիրքում ծառայություն իրականացնող զինծառայողներ Ա.Շ.-ն, Դ.Մ.-ն, Ս.Ա.-ն, Ա.Մ.-ն, Գ.Բ.-ն, Ս.Յ.-ն, Յ.Ա.-ն, Յ.Մ.-ն եւ Գ.Ա.-ն, խուսափված օգնության բացակայության պայմաններում չունենալով այլ ելք, սեփական նախաձեռնությամբ դիրքից դուրս են եկել, հայտնվել կուտակված հակառակորդի զինված ուժերի տեսադաշտում եւ սպանվել, իսկ նույն դիրքի դիտորդներ Ա.Յ.-ն եւ Դ.Ո.-ն այլ երթուղով գնալու ու ջողարկվելու արդյունքում 2020 թվականի դեկտեմբերի 13-ին գերեզմարվել են հակառակորդի կողմից:

Ըստ հաղորդագրության՝ 2020 թվականի դեկտեմբերի 11-ին՝ ժամը 20:30-ի սահմաններում, Ադրբեյջանի ՋՈՒ զինծառայողները, խախտելով հրադադարի ռեժիմը, գրոհ են ձեռնարկել նշված ստորաբաժանման պահպանության տեղամասի N մարտական դիրքի վրա, որտեղ մարտական հերթաշափայում էր ընդգրկված նաեւ Նույն ստորաբաժանման շաբաթի պետ, մայր Վ.Ղ.-ն: 40 րո-

ՕՐԵՆՔ

ԻՆՔՆԱՄՊԱՆՈՒԹՅԱՆ ՓՈՐՉ՝ ԲԱՆՏՈՒՄ

«Ժողովուրդ» օրաթերթին հայտնի դարձավ, որ շուրջ 25 օր «Արթիկ» ԶԿԳ-ում հացադուլի մեջ գտնվող կալանավոր Անդրանիկ Սարգսյանը ինքնավնասման է գնացել: Վերջինիս պաշտպան Յուրա Ավայանը հայտնել է, որ կալանավորներ Դավիթ Յովսեփյանը եւ Անդրանիկ Սարգսյանը հացադուլի մեջ են:

Նրանք մեղադրվում են ավազակային հարձակում կատարելու համար այն պարագայում, երբ որեւէ ուղղակի ապացույց առկա չէ: Սույն գործը 2022թ. հունիսից գտնվում է դատարանում. արդեն 3 դատավոր է փոխվել, իսկ դատական նիստերը անընդհատ հետաձգվում են: Մայիսի 18-ին ի վերջո դատական նիստը կայացավ, սակայն դատավոր Սաթենիկ Անդրեասյանը մերժեց այլընտրանքային խափանման միջոցի միջնորդությունը այն պարագայում, երբ դատական նիստերը կայանում են լավագույն դեպքում 6 ամիսը մեկ: Անդրանիկ Սարգսյանը եւ Դավիթ Յովսեփյանը խնամքին ունեն անձինք, Անդրանիկ Սարգսյանը ունի նաեւ հաշմանդամության կարգ, իսկ Դավիթ Յովսեփյանը կամավոր մասնակցել է 44-օրյա պատերազմին ամենաթեթեւ հատվածներում:

Պաշտպանի խոսքով՝ քանի որ կալանքի տակ պահելու հիմքերը առկա չեն, գործով ապացույցներ առկա չեն, իսկ Շիրակի մարզի դատախազ Երիզարյանը ունի տրամադրվածություն, անձինք հայտա-

րարել են հացադուլ եւ պահանջում են, որպեսզի մեղադրող դատախազը փոխվի, եւ իրենց խափանման միջոց կալանքը փոխվի այլընտրանքային խափանման միջոցով՝ խնամքի տակ գտնվող անձանց հոգ տանելու նպատակով: Ըստ պաշտպանի՝ Անդրանիկն այսօր գիշեր ինքնավնասման է գնացել, ներկա պահին նրանց վիճակը վատ է, ճնշումները շատ ցածր են, անհրաժեշտության դեպքում նրանց պետք է տեղափոխել քաղաքացիական հիվանդանոց:

ՔՍՈՐ ՄԱՆՈՒԿՅԱՆ

ՆԱՄԱԿՆԵՐ՝ ՊԵՏԱԿԱՆ ՊԱՇՏՈՆՅԱՆԵՐԻՆ

«Ժողովուրդ» օրաթերթը դեռ մայիսի 29-ին գրել էր, որ հայրենի իշխանությունները մտափոխվել են: Հայտնել էինք, որ ներքին քննարկումներ են ունեցել հայրենի իշխանության ներկայացուցիչները ու որոշել են զիջումների գնալ ու վարորդներին վարչական պատասխանատվության չենթարկել, կարճ ասած՝ հանդուրժել այն վարորդներին, որոնք չեն կատարելու պահանջները: Մեր աղբյուրներից տեղեկացանք, որ սա արվում է նաեւ հայրենի իշխանության համար, քանի որ վերջիններս չեն էլ պատրաստվում «պլոնկա» պոկել:

Արդեն մայիսի 31-ին, ԱԺ պաշտպանության եւ անվտանգության հարցերի մշտական հանձնաժողովի նախաձեռնությամբ, «Քաղաքացիական պայմանա-

գիր» խմբակցության պատգամավորները հանդիպեցին ներքին գործերի նախարար Վահե Ղազարյանի եւ ՀՀ ՆԳՆ Ոստիկանության պատկան պաշտոնյաների հետ՝ քննարկելու համար ավտոմեքենաների ապակիների թաղանթապատման եւ լուսաթափանցելիության հետ կապված հարցերը:

Հաշվի առնելով թաղանթապատված ապակիներով մեքենաների քանակը, խախտումը վերացնելու համար նախատեսված ժամանակի սղությունը, ինչպես նաեւ իրավակիրառ պրակտիկան կտրուկ փոփոխելու ոչ նպատակահարմար լինելու հանգամանքը՝ պատգամավորների կողմից ներկայացվեց առաջարկ՝ ցանկալի արդյունքին հասնել հնարավորինս նվազ վարչական ներգործության միջոցներով:

Ստացվում է, որ պարեկներն են որոշելու՝ տուգանել, թե նախագույքացնել վարորդներին: «Ժողովուրդ» օրաթերթին, սակայն, տեղեկություններ են հասել, որ պետական գերատեսչությունների աշխատակիցներն էլեկտրոնային հասցեներին նամակներ են ստանում, որ պետք է ապակիների թաղանթազերծում անեն՝ պահպանելով լուսաթափանցելիության թույլատրելի չափերը: Այս հաղորդագրությունից թերեւս կարելի է եզրակացնել, որ իշխանությունները ավելի շատ հակված են տուգանելու տարբերակին:

Հիշեցնենք, որ ներպետական օրենսդրության իրավադրույթներն եւ Մաքսային միության տեխնիկական կանոնակարգի համաձայն՝ մեքենաների առջեւի կողային ապակիների լուսաթափանցելիությունը պետք է կազմի առնվազն 70%:

ՔՐԵԱԿԱՆ

ՀԱՆՑԱՎՈՐ ԽՈՒՄԲ Է ԲԱՑԱՀԱՅՏՎԵԼ



«Ժողովուրդ» օրաթերթին հայտնի դարձավ, որ Ա. Աղամյանին մեղադրանք է առաջադրվել այն բանի համար, որ նա տեւական ժամանակ համասեռ հանցավոր գործունեությամբ զբաղվելու՝ Երեւան քաղաքում գործող առեւտրի կենտրոններից եւ խանութ սրահներից առանձնապես խոշոր չափերի գաղտնի հափշտակություններ կատարելու դիտարկությամբ ժողովուրդային եւ Գրիգոր Մարտիրոսյանի կողմից նախնական համաձայնությամբ 2020 թվականի հունվար ամսին ստեղծված եւ մինչ 2021 թվականի ապրիլի 13-ը ղեկավարած կայուն կազմակերպած խմբում, որի կազմում ընդգրկված են եղել նաեւ Անդրանիկ Յովսեփյանը, Արամ Գրիգորյանը Վազգեն Ստեփանյանը, Քրիստինե Նազարեթյանը, Մարիամ Ռաֆայելյանը, Անահիտ Գրիգորյանը, Էդուարդ Քոչարյանը, Անատոլիա Յարությանյանը, Հեղինե Աբգարյանը, Արմեն Սովետյանը, Նինա Յովսեփյանը, Արեւիկ Յովսեփյանը, Եվա Պետրոսյանը, Գեղեցիկ Մեյսյանը, Արման Հավիանիսյանը, Համլետ Վանոյանը, Գեւորգ Մարտիրոսյանը, կազմակերպված խմբի ղեկավարներ ժողովուրդային եւ Գրիգոր Մարտիրոսյանի ուղղորդմամբ կատարել է ուրիշի գույքի զգալի չափերով գաղտնի հափշտակություն: Գործը ուղարկվեց դատարան:

ՄԵՂԱԳՐԱՆՔ՝ ՀԱՄԱՅՆՔԻ ՂԵԿԱՎԱՐԻՆ

«Ժողովուրդ» օրաթերթին հայտնի դարձավ, որ իրավապահները Ադրանիկ Յովսեփյանին մեղադրանք են առաջադրել այն բանի համար, որ նա 2005 թ. հոկտեմբերի 28-ից մինչեւ 2016թ. հոկտեմբերի 8-ը ներառյալ, զբաղեցնելով Շիրակի մարզի Արեգնաղեմ համայնքի ղեկավարի պաշտոնը, ՀՀ օրենքի ուժով լիազորված լինելով ներկայացնել համայնքի շահերն այլ անձանց հետ փոխհարաբերություններում, հանդիսանալով պաշտոնատար անձ, 2010թ. մինչեւ 2016թ. հոկտեմբերի 8-ն ընկած ժամանակահատվածում հափշտակություն կատարելու դիտարկությամբ, իր պաշտոնեական դիրքն օգտագործելով, շահադիտական նպատակներով Արեգնաղեմ համայնքի սոցիալապես անապահով ընտանիքի երեխաների ուսման վարձավճարի փոխհատուցման քողի տակ Արեգնաղեմի համայնքապետարանի բյուջեից 2012 թ. դեկտեմբերի 13-ին կատարել է 40.000 ՀՀ դրամի փոխանցում իր անվամբ «ԱՅ-ԴԻԲԱՆԿ» ՓԲԸ միջոցով:

Ք. ՄԱՆՈՒԿՅԱՆ

● Ըստ ոստիկանության տվյալների՝ հունիսի 9-ից 12-ը Հայաստանի Հանրապետությունում բացահայտվել է հանցագործության 161 դեպք, որոնցից 34-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՏՆՕՐԵՆՆԵՐԸ ԳԵՄ ԵՆ ԶՊ-ԱԿԱՆ ԳԱՌՆԱԼՈՒՆ

Տավուշի մարզպետ, «Քաղաքացիական պայմանագիր» կուսակցության վերահսկող հանձնաժողովի նախագահ Յայկ Ղալումյանին հարցում են ուղարկել, թե մարզի հանրակրթական դպրոցների տնօրեններից քանիսն են ԶՊ կուսակցության անդամ: Մարզպետը պատասխանել է, որ Տավուշի մարզի 76 հանրակրթական դպրոցների տնօրեններից ԶՊ կուսակցության անդամ է երկու տնօրեն:

ԳՐԱՄԱՐԱՎԱԶՄՈՒԹՅՈՒՆԻՑ «ԱՆՏԵՂՅԱՆ»

Տավուշի մարզից սոցիալապես անապահով ընտանիքների ծնողները լրագրողի դժգոհել են, որ դպրոցական «Վերջին գանգի» կապակցությամբ հանրակրթական դպրոցներում մեծ չափերով դրամահավաքություն է եղել: Այդ փողահավաքությունը կատարվել է դպրոցների ծնողական կոմիտեների նախաձեռնությամբ, սակայն ծնողական կոմիտեները դպրոցների տնօրենությունների հետ այդ գործում ներգաշակ են գործում: Սոցիալապես անապահով ծնողները դժգոհել են, որ «Վերջին գանգի» կապակցությամբ իրենց զավակների համար գնված շորերի փողին գումարվել են ավարտական ճոխ քեֆի, դպրոցի տնօրենի, դասարանի դասղեկի համար գնված նվերների, տեսակարահանման, լուսանկարահանման եւ այլ ծախսերի գումարները: Նիկոլ Փաշինյանի դասընկեր, նրա հարսանիքի քալոր, Նիկոլ Փաշինյանի որոշումով 2021թ. ապրիլի 8-ին Տավուշի մարզպետ նշանակված Յայկ Ղալումյանին տեղեկատվական հարցում են ուղարկել՝ հարցնելով, թե դպրոցական «Վերջին գանգի» կապակցությամբ մարզի դպրոցների շրջանավարտները միջինը ինչքան ծախս են կատարել: Մարզպետ Յայկ Ղալումյանը պատասխանել է. «Վերջին գանգ» միջոցառման կապակցությամբ Տավուշի մարզի հանրակրթական դպրոցների շրջանավարտների կատարած ծախսերը որոշում է տվյալ դպրոցի ծնողխորհուրդը»:

ԿԻՍԱՏ ԳՈՐԾՆ ԱՎԱՐՏԵՑԻՆ

Երեք տարի առաջ Ռուսաստանի Ստավրոպոլ քաղաքում ապրող բարեկամական ցիկները գումարներ են հավաքել իրենց ծննդավայրի՝ հեռավոր, սահմանափակ Բարեկամական գյուղի միջնակարգ դպրոցի տանիքը վերանորոգելու համար: Այն ժամանակ Տավուշի մարզպետ Յայկ Չոբանյանը դպրոցի տանիքը նորոգելու համար պահանջվող գումարի չափը քիչ է նշել, այդ պատճառով ստավրոպոլցի բարեկամական ցիկների հանգամանակած գումարը չի հերիքել, հանրակրթական դպրոցի տանիքի նորոգումը կիսատ էր մնացել, անձրևները լցվում էին դպրոցի շենք: Տավուշի մարզպետ Յայկ Ղալումյանը, պատասխանելով իմ լրագրողական հարցմանը, հայտնել էր, որ Բարեկամականի դպրոցի տանիքը կընդգրկվի 2023 թվականի հրատապ ծրագրերում: Վերջին մեկուկես ամսում տեղացող անձրևները լցվում էին դպրոցի շենքից ներս՝ վնասելով կառույցը: Բարեկամական ցիկները, երեք տարի սպասելով, այդպես էլ չտեսան այդ գործում իշխանության կողմից աջակցություն: Նրանք, համախմբելով իրենց ուժերը, դպրոցի տանիքի նորոգման կիսատ գործն ավարտին հասցրին՝ հարազատ գյուղի համար անշահախնդիր գործ անելով: Գործը հեշտացավ այն ամսում, որ 3 տարի առաջ կատարված նորոգումից հետո շինանյութեր էին մնացել:

ՈՍԿԱՆ ՍՈՐԳՅԱՆ Տավուշ

«ՆԱՄԱԿԱՆԻ»

ԱՐԱՄ ԽԱՉԱՏՐՅԱՆԻ ԳԻՐՔԸ՝ ԱՆՓԼԵՐԵՆՈՎ

Արամ Խաչատրյանի 120-ամյակի առթիվ կոմպոզիտորի տուն-թանգարանը, համագործակցելով «Նամակների հետ, լույս է ընծայել Արամ Խաչատրյանի «Նամակների» գրքի անգլերեն թարգմանությունը:

Ժողովածուն ընդգրկում է Գոհար Յարոբյունյանի, Մարգարիտ Յարոբյունյանի, Զառա Տեր-Ղազարյանի կազմած առաջին, երկրորդ եւ Մարգարիտ Ռուխկյանի, Ալինա Փահլեւանյանի կազմած երրորդ ժողովածուների նամակները: Գիրքը համալրված է կոմպոզիտորի տուն-թանգարանում հավաքված նոր նամակներով:

Գրքի շնորհանդեսին, որը տեղի ունեցավ հունիսի 12-ին՝ «Ես եվրոպացի հայ եմ» թեմայով քննարկման ընթացքում, Արամ Խաչատրյանի տուն-թանգարանի տնօրեն Արմինե Գրիգորյանը հիշեցրեց՝ գրքի հայերեն եւ ռուսերեն տարբերակներն ավելի վաղ են տպագրվել: Տեսնելով գրքի նկատմամբ հետաքրքրությունը, պահանջարկը՝ նախաձեռնել են անգլերեն տարբերակի հրատարակումը:

«Արամ Խաչատրյանին առաջին հերթին ճանաչում են որպես մեծ երաժշտի, սակայն շատերին է հետաքրքիր, թե նա ինչ ներաշխարհ ուներ: Ինչը, եթե ոչ անկեղծ սրտով գրված նամակները կարող են բացահայտել մարդու ներաշխարհի նրբերանգները: Ինչը՝ կոմպոզիտորը, առանձնակի նշանակություն էր տալիս նամակներին եւ յուրօրինակ խորհուրդ էր տեսնում դրանց մեջ: Խաչատրյանը կարծում էր, որ մեծ արվեստագետների նամակագրությունը կարող է հետագայում ճանաչողական մեծ արժեք ունենալ: Ըստ նրա՝ նամակներում հնարավոր է արտահայտել այնպիսի մտքեր, որոնք չեն ասվի հանապաղատից եւ առերես: Նամակները կարող են դառնալ նույնիսկ պատմական փաստաթղթեր: Խաչատրյանը քաջ գիտակցում էր, որ իրենից հետո կիրապարկվեն իր նամակներն ու կներկայացվեն հանրությանը», - ընդգծեց Գրիգորյանը:

Ժողովածուում ընդգրկված նամակների մեծ մասը պահպանվում է տուն-թանգարանի հավաքածուում, իսկ մի մասը՝ արխիվներում, մի մասն էլ հասցեատերերի ընտանիքների սեփականու-



թյունն է: Գրիգորյանը հավելեց, որ գիրքը հրատարակելու ընթացքում նոր նամակներ են ստացել: Չի բացառում, որ մի քանի տարի անց տպագրեն գրքի համալրված տարբերակը:

Արմինե Գրիգորյանը հավաստիացրեց, որ նամակները նոր լույս են սփռում մեծ արվեստագետի կերպարի վրա եւ ընթերցվում մեծ հետաքրքրությամբ:

Գրքի հրատարակման գործում մեծ ներդրում է ունեցել Կոնրադ Ադենաուեր հիմնադրամը, որի «Քաղաքական երկխոսություն Յարավային Կովկաս» տարածաշրջանային ծրագրի ղեկավար Շտեֆան Մալերիուսը հիշեցրեց՝ Խաչատրյանին ասել է, որ մնում է հայ, բայց եվրոպացի հայ, ոչ թե ասիացի:

«Արամ Խաչատրյան» մշակութային հիմնադրամի գործադիր տնօրեն Մարտին Թովմասյանը եւս ներկա էր միջոցառմանը: Նա շեշտեց, որ իրենց առա-

ջելությունը մեծանուն կոմպոզիտորի գործունեության հանրահռչակումն է:

Այդ նպատակով 19-րդ անգամ Երեւանում անցկացնում են Խաչատրյան միջազգային մրցույթը: «Այս տարի այն կազմակերպվել է «Դաշնամուր» մասնագիտացմամբ, եւ վաղը հայտնի կդառնան դափնեկիրներն ու մրցանակակիրները: Հիմնադրամն իրականացնում է նաեւ Խաչատրյան միջազգային փառատոնը, որը տեղի կունենա Յայաստանի պետական սիմֆոնիկ նվագախմբի հետ համատեղ: Այն տեղի կունենա 2023 թվականի վերջին», - նշեց Թովմասյանը:

Խաչատրյանի հորեղբայրն սվիրված տարվա ընթացքում թե՛ կոմպոզիտորի տուն-թանգարանը, թե՛ այլ մշակութային կառույցներ հանդես կգան նրան նվիրված համերգային ծրագրերով, ցուցահանդեսներով եւ այլ նախաձեռնություններով:

ԼՈՒՐԵՐ

ՀԱՅԱՍՏԱՆԻՑ՝ ԱՐՑԱՆԻ ԵՎ ՀԱԿԱՌԱԿԸ

Շաբաթ օրը Արցախի ԱՆ «Հանրապետական բժշկական կենտրոն» ՓԲԸ-ից Կարմիր խաչի միջազգային կոմիտեի ուղեկցությամբ եւ իրենց կողմից տրամադրված միկրոավտոբուսով 16 բուժառու եւ նրանց ուղեկցողները տեղափոխվել են ՀՀ մասնագիտացված բժշկական կենտրոններ:

19 բուժառուներ, որոնք պետական պատվերի շրջանակներում ուղեգրվել էին ՀՀ բուժում ստանալու համար, ուղեկցողների հետ վերադարձել են Արցախ:

«Հաշվի առնելով առողջական հիմքով տեղափոխվող անձանց մեծ քանակը՝ որոշում է կայացվել այդ օրվա տեղափոխությունն իրականացնել միկրոավտոբուսով, որի կադրերը ադրբեջանական

լրատվամիջոցները տարածել են այնպիսի անկյունից, որ չեղեա Կարմիր խաչի նշանը», - ասվում է Արցախի առողջապահության նախարարության տարածած հաղորդագրությունում:

Կոմիտեի կողմից հայտ էին ներկայացրել նաեւ Հայաստանն ու Ալբանիան:

Հայաստանն ընթացիկ տարում հյուրընկալել էր ծանրամարտի Եվրոպայի առաջնությունը, որը Օլիմպիական խաղերի համար վարկանիշային էր:

ԱՌԱՋՆՈՒԹՅՈՒՆԸ ՀԱՅԱՍՏԱՆՈՒՄ ՉԻ ԱՆՑԿԱՑՎԻ

Ծանրամարտի աշխարհի 2024 թվականի առաջնությունը չի կայանա Հայաստանում: Կուբայի մայրաքաղաք Յավանայում կայացած նիստի ընթացքում Ծանրամարտի միջազգային ֆեդերացիան որոշել է, թե որ երկիրը հաջորդ տարի կհյուրընկալի աշխարհի առաջնությունը:

Առաջնությունը կկայանա Բահրեյնում: Ծանրամարտի աշխարհի առաջնությունը

ՀԱՅՏԱՐԱՐՈՒԹՅՈՒՆ

Կազմակերպիչներ «Բի Էս Թի» ՍՊԸ-ի եւ «Ֆլորես աճուրդի տուն» ՍՊԸ-ի կողմից այդ թվում «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացվող բոլոր այն անշարժ գույքերի աճուրդները, որոնց աճուրդային վաճառքի ավարտը սահմանվել էր մինչեւ 2023թ.-ի հուլիսի 03-ը, երկարաձգվում են մինչեւ 2023թ.-ի դեկտեմբերի 29-ը ներառյալ: Լրացուցիչ տեղեկությունների համար գնահատել (011) 52-61-85 կամ այցելել բորսա՝ ք. Երեւան, Սայաթ-Նովա 40, 82/31 հասցե, ժամը 9:30-17:00-ն:

● Անցած 3 օրվա ընթացքում հանրապետությունում արձանագրվել է 50 ճՏՊ. 4 մարդ զոհվել է, 76-ը՝ ստացել տարբեր աստիճանի մարմնական վնասվածքներ:





ԿԱՐԾԻՔ

ՄԱՆՐԱՄԱՍՆԵՐ

ՀԱԿԱՍՈՒԹՅՈՒՆՆԵՐԻ ԿԱՊՎԱԾ «ԿԻՆ ՆԱԽԱՐԱՐ»-Ի ՀԵՏ

«Ժողովուրդ» օրաթերթը ամիսներ առաջ գրել էր, որ Հանրային հեռուստաընկերությունը նկարահանում է մի քանի մասինք բաղկացած գեղարվեստական ֆիլմ «Կին նախարար» վերնագրով, որտեղ դերասան Արեկ Արեկյանը մարմնավորում է վարչապետի կերպարը:



«Ժողովուրդ» օրաթերթը դերասան Արեկ Արեկյանի հետ զրուցեց մարմնավորած դերի մասին: Ըստ նրա՝ յուրաքանչյուր դերասանի համար մեծ պատասխանատվություն է վարչապետի կերպարը մարմնավորելը:

«Նախագծին մասնակցելու առաջարկը ստացել եմ ընկերոջից և սիրով ընդունել եմ: Այս պահին միայն կարող եմ ասել, որ նախագծի նկարահանումներն ավարտվել են»,- նշեց նա՝ հավելելով, որ տեղյակ չէ, թե որ հեռուստաընկերությունն է նախագծի պատվիրատուն:

Հիշեցնենք, որ ֆիլմի սյուժեի հիմքում Պաշտպանության նախարարությունն է, որի միջոցով փորձում են առաջին պլան մղել կին զինվորականին և նրան դարձնել պաշտպանության նախարար, սակայն այդ ընթացքում հանդիպում են բազում խոչընդոտների: Հենց այս ամենի շուրջ էլ հյուսվում է ողջ ֆիլմի պատմությունը:

Մեզ հասած տեղեկությունների համաձայն՝ Հանրային հեռուստաընկերությանը նման ֆիլմի նկարահանումը պատվիրել է ՀՀ վարչապետի տիկին Աննա Հակոբյանը, և այն հավանաբար կկոչվի «Տիկին պաշտպանության նախարար»:

Նկատենք, որ ամիսներ առաջ, երբ «Ժողովուրդ» օրաթերթը մեկնաբանության համար դիմել էր Հանրային հեռուստաընկերության հասարակայնության հետ կապերի ծառայություն, մեր տեղեկությունը հրապարակայնորեն հերքել էին՝ նշելով, որ Հանրային հեռուստաընկերությունը նման բովանդակությամբ ֆիլմ արտադրել և ցուցադրելի ալանավորում, իսկ, ահա, այսօր ունենք բոլորովին այլ պատկեր: Ի դեպ,

մեզ հայտնի դարձավ, որ ֆիլմը ցուցադրվելու է միայն առցանց տարբերակով: **ԼԻՊԱ ԵՐԻՎԱՆՅԱՆ**

ՄԱՐԶԱԿԱՆ

ՄԵՂԱՆԵՐ՝ ՄԱՐՄԵԱՄԱՐԶԻԿՆԵՐԻՑ

Հայաստանի մարմնամարզության հավաքականի անդամները հաջող ելույթ են ունեցել Խորվաթիայում կայացած World Challenge Cup-ում:

Օսիցեե քաղաքում կայանացած World Challenge Cup-ի հերթական փուլին Հայաստանը ներկայացրել են Արթուր Դավթյանը, Արթուր Ավետիսյանը, Արթուր Թովմասյանը, Գագիկ Խաչիկյանը և Մանե Պողոսյանը: Մարզիչներն էին Հայկ Նազարյանը և Քևարիկ Բրտոյանը: Հայաստանի մարմնամարզության հավաքականի գլխավոր մարզիչ Հակոբ Սերոբյանը մրցավարների շարքում էր:

Հայաստանի հավաքականից ոսկե մեդալներ նվաճեցին Արթուր Դավթյանը (հենացատկ), Գագիկ Խաչիկյանը (ստույգ-թափեր) և Արթուր Ավետիսյանը (օղակներ): Տժույգ-թափերում արծաթե մեդալ նվաճեց Արթուր Դավթյանը:

ՀԵՌԱՑԱՎ ՀԱՎԱՔԱՆԿԱՆԻ ՃԱՄԲԱՐԻՑ

Հայաստանի ֆուտբոլի ազգային թիմի կիսապաշտպան Խորեն Բայրամյանը հեռացել է հավաքականի ճամբարից վնասվածքի պատճառով:

Այս մասին հայտնում է ՀՖՖ-ն: Բայրամյանը վնասվածք ստացել է հավաքի ընթացքում մարզման ժամանակ: Նա արդեն իսկ հեռացել է ընտրանու ճամբարից և վերադարձել Դոնի Ռոստով:

Հայաստանի ֆուտբոլի ազգային ընտրանին սկսել է նախապատրաստվել Եվրոպայի առաջնության ընտրական փուլի Ուելսի և Լատվիայի դեմ հերթական խաղերին: Հունիսի 11-ին հավաքականին կմիանա Անդրե Զալըձը, հունիսի 12-ին՝ Էդուարդ Սպերդյանն ու Գեորգի Հարությունյանը: Լուկաս Սելարայանը և Նորբերտո Բրիասկո Բալեկյանը թիմին կմիանան Ուելսում հունիսի 14-ին:

ՄԻԻԹԱՐՅԱՆԸ՝ ՊԱՐՏՈՒԹՅԱՆ ՄԱՄԻՆ

Միլանի «Ինտերի» կիսապաշտպան Հենրիխ Մխիթարյանը սոցիալական ցանցերում գրառում է արել Չեմպիոնների լիգայի եզրափակիչում Անգլիայի չեմպիոն և գավաթակիր «Մանչեսթեր Սիթիին» 0:1 հաշվով պարտվելուց հետո:

«Մենք, անշուշտ, արժանի չէինք պարտության անցած զիջեր, զգացողությունները դեռ շատ դառն են: Ամեն խաղացողի մանկության երազանքն է Չեմպիոնների լիգայում հաղթելը, և մենք ահռելի ջանք գործադրեցինք: Շնորհակալություն բոլորիդ ձեր անվերապահ սիրո համար»,- գրել է Մխիթարյանը:

Հայաստանի հավաքականի նախկին ավագը եզրափակիչում փոխարինման էր դուրս եկել 84-րդ րոպեին՝ դառնալով Չեմպիոնների լիգայի եզրափակիչի մասնակցած առաջին հայ ֆուտբոլիստը:

ՄԱՆՐԱՄԱՍՆԵՐ

ԾՆՆԴՅԱՆ ՈՉ ՀԱՃԵԼԻ «ԱՆԱԿՆԿԱԼ»

Գերասանուհի Մարիամ Ալեքսանյանն օրեր առաջ տնում էր ծննդյան 26-ամյակը: Նա ինսագրամյան իր էջի «Սթորի» բաժնում տեղեկացրել էր, որ իրենց ճից գոլություն է արվել, և գրառում էր կասարել այդ մասին:



«Այ տականք, այ անասուն, այ ոչնչություն: Դու չես մարսելու իմ ամենաուրախ օրը փչացնելու համար: Ես գիտեմ, որ դու սա տեսնելու ես. դու այստեղից էլ իմացել ես, որ մենք տանը չենք: Մեր տուն մտնելը, գողացածը, քո արած վատությունը կանգնելու է կոկորդիդ և չես մարսելու: Խելոք վերադարձրո՛ւ՝ խուսափելով հետագա խնդիրներից: Ոնց էլ չլինի, մենք քեզ կգտնենք, քանի որ դու մեզ շատ մոտ ես: Մեր տան գողությունը քո ողջ կյանքի մղձավանջն է լինելու»:

Դերասանուհին ավելի ուշ անդրադարձել է իրենց տան գողությանն ու տարերարձին:

Քանի որ իմ ծնունդը անցավ ծայրահեղությունից ծայրահեղություն, բացասական թող մնա նրանց ովքեր հիմա երկի փշերի վրա սպասում են իրենց իսկ հայտնաբերմանը: Իսկ ես եկեք սկսեմ ամենասկզբից

● Հունիսի 14-ին Կոմիտասի անվան կամերային երաժշտության տանը տեղի կունենա Հայկ Մելիքյանի մենահամերգը: Տոմսերի արժեքը՝ 3000-7000 դրամ: Սկիզբը՝ ժամը 19:30-ին:



Էջը՝ ՍՅՈՒՆԷ ՀԱՍՔԱՐՁՈՒՄՅԱՆԻ

**ԿԱՊ**

**ՀԱՐՑ. Viva cell-ի բաժանորդ եմ, ինչպե՞ս կարող եմ զանգեր անել ռոմինգում զսնված ժամանակ:**  
*Դավիթ Հակոբյան (63 տարեկան)*



**ՊԱՏԱՍԽԱՆ.** Երբ Դուք օգտվում եք Ձեր հեռախոսից գտնվելով Հայաստանից դուրս, Դուք օգտագործում եք արտասահմանյան օպերատորի ցանցի ռե-սուրսները, այդ իսկ պատճառով համարահավաքման ձեռնարկը պետք է համապատասխանի տվյալ օպերատորի ցանցում գործող համարահավաքման ձեռնարկին:

Այսպես, Հայաստան ուղղված զանգը միշտ կատարվում է որպես միջազգային զանգ.

+ [երկրի կոդ] [տարածաշրջանի կամ բջջային ցանցի կոդ] [հեռախոսահամար],  
օր՝ +374 93 297111 (Վիվա-ՄՏՄ-ի թեժ գիծ):

Տվյալ երկրի ներսում զանգ կատարելու համար կարող եք օգտագործել համարահավաքման ինչպես տեղական, այնպես էլ միջազգային ձեռնարկը.

[տարածաշրջանի կամ բջջային ցանցի կոդ] [հեռախոսահամար]

կամ  
+ [երկրի կոդ] [տարածաշրջանի կամ բջջային ցանցի կոդ] [հեռախոսահամար]:

**Viva Cell MTS Հայաստանի գրասենյակ**

**«ԺՈՂՎՈՒՐԳ».** Ցանկացած ուղղությամբ SMS

ուղարկելու համար անհրաժեշտ է հավաքել.

+ [երկրի կոդ] [բջջային ցանցի կոդ] [հեռախոսահամար],

օր՝ Վիվա-ՄՏՄ-ի 093 298888 հեռախոսահամարին SMS ուղարկելու համար անհրաժեշտ է հավաքել +374 93 298888:

**ԳՅՈՒՂԱՏՆՏԵՍՈՒԹՅՈՒՆ**

**ՀԱՐՑ. Հայաստանի Հանրապետության գյուղատնտեսական ո՞ր գոտիներում կարելի է մշակել դրոշ:**  
*Զեննա Բաբայան (56 տարեկան)*



**ՊԱՏԱՍԽԱՆ.** Ոլոռ կարելի է մշակել Սեւանի ավազանի, Կենտրոնական, Շիրակի, Լոռի-Փամբակի, Ապարան-Յրազդանի, Կոտայք-արեւելյան եւ Զանգեզուրի գոտիներում, ինչպես սերմ, այնպես էլ կանաչ զանգված եւ ունդեր ստանալու համար: Ոլոռը ցրտադիմացկուն է, սերմերն սկսում են ծլել 1-20 ջերմության պայմաններում:

**ՀՀ գյուղատնտեսության նախարարություն**

**«ԺՈՂՎՈՒՐԳ».** Ծիլերն ընդունակ են դիմա-նալու -8-120 սառնության պայմաններում: Ոլոռի ցանքի նորման է 1 հա-ին 1.0-1.1 մլ ծլունակ սերմ:

**ԼՈՒՐ ԿԱՂԻՐ**

Լուսանկարն արվել է Լոռու մարզում



«Ժողովուրդ» օրաթերթը բազմիցս է անդրադարձել Երեւան քաղաքում տիրող իրավիճակին, երբ աղբարկղերը լիքն են, եւ շուրջ բոլորը կեղտ է: Քաղաքացիներից այս անգամ ահազանգ ենք ստացել մարզերից: Մեզ դիմած քաղաքացին բողոքում էր դեպի տուրիստական ուղղություններ գնացող ճանապարհներից: Մասնավորապես՝ զբոսաշրջային այս սեզոնին դեպի Դենդրոպարկ տանող ճանապարհին աղբ է եւ անասունների կեղտի հետքեր:

**ԲԱԺՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայկոստ» ՊԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

**ԱՌԱՋԱՐԿ**

**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



☾	Շիրակ	+10+14 +18+22	☾	Արարատ	+19+21 +28+30
☾	Կոտայքի լեռներ	+9+13 +18+21	☾	Արմավիր	+17+19 +27+29
☾	Կոտայքի նախալեռներ	+15+18 +24+29	☾	Վայոց ձորի լեռներ	+8+12 +20+23
☾	Գեղարքունիք	+10+14 +18+22	☾	Վայոց ձորի նախալեռներ	+19+21 +27+31
☾	Լոռի	+11+16 +19+22	☾	Սյունիքի հովիտներ	+18+21 +27+32
☾	Տավուշ	+13+18 +22+25	☾	Սյունիքի նախալեռներ	+10+14 +20+24
☾	Արագածոտնի լեռներ	+8+12 +18+21	☾	Արցախ	+18+21 +27+31
☾	Արագածոտնի նախալեռներ	+16+20 +24+28	☾	Երեւան	+18+20 +27+29

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 12.6.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: